

ENCOMION

*Et nunc Reütlingæ viuis gratissimus hospes.
Hic, vbi Maiores Hirteri tempore prisco
Vixerunt: etiam viuant hic porrò nepotes.*

Alexander Käm-
merer Tubingē-
sis Med. D. &
Physicus Reut-
lingensium.

*Doctor Alexander Camerarius optimus urbis
Nunc Physicus, medica vir præstantissimus arte
Præctica syncerè tradit Mystèria pandit
Morborum causas, & quo medicamine quenque
Ritè leuare queat, studet omnes tendere nervos.
Viue diu nostra Camerari Doctor in vrbe
Frischliniq; tui memor & sis gratus amicus.*

Sebaldus Stoffel
Reutlingensis
Med. D. & Phy-
sicus.

*Additur huic socius cura, similisq; laboris
Et studij medica præclarus in arte Sebaldus
Stoffel amicitia nuper mihi iunctus & vsu
Dyprecor aspirent cæptis, noua fœdera firment.
Hic quondam multas peregrinas missus ad oras
Ad mercaturas linguarum nempe bonarum
In patriam redijs titulis, & honoribus auctus:
Et linguis varijs instructus & ore diserto,
Cui benè Doctoris nomen Basilea locauit.
Hinc meritò Reütlinga suum colit optima ciuem
Maiorum illius memor, & benefacta rependens.*

Conradus Och-
senbach Senator
& Scholæ præfe-
ctus obiit An.
1597. 18. Maii.

*Iungitur hic etiam Conradus nomine dictus
Ochsenbachorum proles, gentisq; vetustæ
Et cana grauitate senex: & mente benignus
Qui Ciceroniacam tenuit proferre loquelam
Vir bonus, humanus Frischlinis charus amicus
Quem Deus ad sese lachrymarum ex valle recepit
Nuper & è curis in gaudia mille locauit.*

Balthasar Aich-
elius Mercator
& Scholæ præfe-
ctus.

*Balthasar Aichelius sequitur, meus alter amicus
Vir diues, doctusq; bonas expromere merces
Vndiq; Mercator Sueuo notissimus orbe.
Balthasar Aichelius nostri pars magna Senatus*

Viue